

八旗通志卷之三十三

三十一頁



宗室王公傳 卷五

八旗通志初集卷之一百三十三

宗室王公列傳五

敬謹親王尼堪

承澤親王碩塞

父貝勒褚燕子敬謹親王尼思哈輔國公蘭布



裕親王福全

恭親王常寧

純親王隆禧

恒親王允祺

溥親王允祐

愉郡王允禩

鑲紅旗和碩敬謹親王尼堪。

太祖高皇帝之孫也。父褚燕為

太祖長子。戊戌年春正月。與巴雅喇台吉及噶益扎爾

固齊費英東北爾固齊統兵一千征安褚拉庫

路。星馳而往。取屯寨二十餘。將所屬人民盡招

徠之。於是

賜名洪巴圖魯。封為貝勒。丁未年春正月。瓦爾喀蜚悠

城人苦烏喇國布占泰貝勒之虐。乞移家來附。

褚燕奉

命同舒爾哈齊貝勒代善貝勒率兵三千往從之。乘夜陰晦而行。見大燾。上有光。衆以為異。捫視無有。復樹之光如初。舒爾哈齊貝勒疑為凶兆。欲回兵。洪巴圖魯貝勒與代善貝勒曰。或凶或吉。兆已定。吾等何所見而回兵耶。遂決意進兵。至蜚悠城。盡收環城屯寨。凡五百戶。令扈爾漢轄。率兵三百衛之。先行烏喇國布占泰貝勒聞之。發兵萬人。邀諸路。扈爾漢轄結寨山巔。與敵相持。次日洪巴圖魯貝勒與弟代善貝勒等至。策

馬奮怒曰。

皇父每有征伐。無不破降其衆。今雖未親歷行間。有我等在此。爾等勿憂。昔布占泰來侵我國之日。被我國擒而縛之。養多時。宥其死。以歸。俾主其國。為時不久。其人如故。曾從我手而釋。豈天釋之耶。爾等勿謂彼兵為多。我國荷

天眷仗

皇父威名夙著。破敵兵必也。衆軍士皆奮願効死。遂率衆渡河。與代善貝勒各領兵五百分二路緣山

奮擊烏喇兵遂敗走。時天氣陰凍。被傷敵兵棄甲逃者。僮仆甚衆。及班師。

太祖嘉其勇。改賜洪巴圖魯號。為阿爾哈圖土門。戊申年春三月。與阿敏台吉率兵五千征烏喇國。圍其宜罕阿麟城。克之。斬千人。獲甲三百。俘其衆以歸。時烏喇國布占泰貝勒與蒙古科爾沁塞阿岱貝勒合兵出烏喇城二十里。駐兵遙望。知非我軍之敵。遂不戰而定。乙卯年秋閏八月薨。年三十六。長子杜度封安平貝勒。自有傳。尼堪。

其第三子也。早歲即立功。戎行征多羅忒董夔。俱在行間。天聰九年五月征明。尼堪隨額爾克楚虎爾貝勒多鐸率師入明。寧遠錦州地界立營。遙制寧遠錦州。援兵尋晉封固山貝子。崇德元年十二月。同戶部承政馬福塔率擺牙喇兵千人。隨豫親王多鐸往征朝鮮。圍其國王所都王京。朝鮮王棄國遁去。追至四十里南漢山城。復還繞立寨圍之。朝鮮國外道兵聞其王被圍。有巡撫一員領兵一萬八千來援。分立兩營。尼

堪率兵迎敵大敗之。又有副將領兵五千來援。復擊敗之。二年四月任議政大臣。四年三月同武英郡王阿濟格。貝子羅託等。征明。率四旗擺牙喇兵環守塔山連山。七年三月隨鄭親王濟爾哈朗。駐劄塔山。是年克錦州。九月尼堪率官兵往代公博和託。吞齊哈等。駐防錦州。順治元年四月隨睿王多爾袞。進山海關破流賊。復隨英親王阿濟格。追賊至慶都縣。擊敗之。十月晉封多羅貝勒。隨定國大將軍豫親王多鐸統領官兵南征。十二月破流賊入潼關。二年正月師距潼關二十里立營。有賊將劉方亮領兵千餘來窺我營。纛章京圖賴等率兵擊之。尼堪復助兵奮擊。遂大敗之。俘斬甚多。賊又以騎兵三百橫衝我師。尼堪同懷順王耿仲明。固山貝子尚善。擊敗之。三月分兵三路。趨歸德定河南。四月進征南京。

世祖章皇帝以王貝勒等破流寇。平陝西。安撫河南。復進征南京。勤勞日久。各加

恩賜。尼堪賜弓一張。五月。大兵克南京。偽福王朱由松潛遁太平。尼堪同昂邦章京圖賴等率官兵追之。偽福王走蕪湖。復率兵趨擊。偽福王登舟渡江。因據江口截其去路。偽靖國公黃得功逆戰。擊敗之。敵兵皆墮水。盡奪其舟。得功中流矢死。偽總兵田雄等縛福王及其妃來獻。十總兵併部衆俱降。獲金銀綉緞寶玉貂皮等物甚多。又用紅衣礮攻江陰縣。克之。十月。賜金二百兩。銀一萬五千兩。漆鞍馬一匹。空馬二匹。三

年正月。隨靖遠大將軍肅親王豪格統官兵征四川。破沅賊八大王張獻忠。四年八月。同月。子滿達海。固山額真杜雷等分兵進勦遵義夔州。茂州。榮昌。隆昌。富順。內江。資陽等處。斬偽王及巡撫道官總兵副將叅將遊擊都司守備一千餘員。兵丁無算。獲馬騾一萬二千四百餘。尼堪又獨領兵擊敗賊渠賀珍兵三次。安定漢中府。民川寇悉平。五年正月。凱旋。九月。晉封多羅敬謹郡王。統領官兵勦天津土寇。城之。十二月。大

同總兵姜瓖叛。六年正月。王奉

命為定西大將軍。率官兵平太原。三月。王遣固山額真庫祿克達爾漢阿賴等。屢敗賊寇。斬偽巡撫姜輝。偽叅將羅映壇。獻印劄。率所部四百人降。是月。晉封和碩敬謹親王。四月。奉

命由左衛往圍大同。八月。偽總兵楊振威遣偽守備劉寶至軍前。言我等原係良民。為逆寇姜瓖迫脅而反。大兵來圍大同。即欲斬逆瓖歸順。奈力不及。今兵民饑餓。死亡殆盡。餘兵無幾。我等問計

於各官。裴季中等二十三人。與我等合謀。約斬姜瓖歸順。許之。振威等遂斬姜瓖。并其兄姜琳。弟有光。首級來獻。王率大兵入大同城。安撫民人事。平還京。尋緣事降爵為多羅郡王。八年三

月。管理禮部事務。尋管宗人府。五月。奉

特恩。仍封為和碩敬謹親王。時偽桂王未平。九年七月。命王為定遠大將軍。統官兵往征湖南貴州。

賜御服佩刀鞍馬等物。給與

勅書。言張獻忠餘黨孽孫可望等逆賊。侵擾湖南。陷民水

火。不得不遣兵致討。特命王充定遠大將軍。統率大
兵征勦。王膺茲命。凡事與諸將同心協謀而行。毋謂
自知不聽人言。毋謂兵強輕視逆寇。仍嚴偵探。毋致
踈虞。抗拒不順者戮之。傾心歸順者撫之。總以安民
為首務。嚴禁兵將申明紀律。凡歸順及恢復地方軍
民。不得肆行殺掠。體朕好生至意。其陷賊文武官吏。
自拔來歸。俱免罪酌用。有功者仍加叙錄。勦除逆賊。
平定貴州。復擇善地屯劄。馳使奏聞。須候旨到。行間
將領功績及重罪。俱察實紀明彙奏。各官有犯小過
者。當即處分。至於十人長分得撥什庫以下。無論大
小罪過。俱與諸將商酌。徑行處分。王受茲重任。宜殫
忠竭力。早奏蕩平。是月。敬謹親王尼堪率師出
京。

世祖親送至南苑。八月。

勅諭定遠大將軍和碩敬謹親王尼堪曰。聞賊入廣西。
於七月初四日攻陷桂林府。定南王孔有德自盡。嚮
命王勦滅湖南賊寇。平定貴州。今毋往貴州。仍從湖
南進取寶慶。其西安府調發滿洲兵將及提督總兵

柯永盛官軍。留於寶慶。王領大兵入廣西。相機搜勦賊孽。其餘一應事宜。俱照前勅遵行。十一月。師抵湘

潭縣。賊首偽將軍馬進忠等。領馬步兵已遁還寶慶府。王與衆將商議。將疲弱馬匹。撥梅勒章京二員。又每固山章京二員。每牛彘甲兵四名。留後喂養。遂設官兵自湘潭向衡州府進發。去衡山縣三十里。前鋒遇賊哨卒。追至衡山縣。擊敗偽軍門一員。偽副將五員。馬步賊兵一千八百名。即於是夜兼程前進。天未明抵衡州。及明

王率貝勒貝子公固山額真等向前。正列陣間。賊兵即至。王指授頭隊兵擊賊。我兵各依所對之處。衝入。賊兵大敗。追殺二十餘里。斬獲甚多。得象四隻。馬八百二十餘匹。殺敗賊兵四萬餘。

方頭隊兵擊賊時。我二陣兵正列陣間。忽見兩邊樹林內賊兵齊出。又衡州城內賊來甚衆。王云。我兵凡攻戰之處。俱直入擊賊。我為宗室。若不斬除逆寇。何面目歸乎。於是奮勇直入擊賊。賊環繞圍之。王身率衆轄橫豎衝擊。矢盡拔刀

力戰。遂歿於陣。年四十三。十年十月。靈櫬自湖
南回

京。

世祖命和碩親王以下。二品官以上。出郭十里迎。既至。
世祖欲親臨其喪。諸王大臣力諫乃止。恤典加厚。

賜諡曰莊。十二月。以王次子尼思哈襲封敬謹親王。十

七年十一月薨。諡曰悼。乃封敬謹莊親王尼堪
長子蘭布為多羅貝勒。十八年六月。以蘭布父
莊親王尼堪陣亡可憫。封蘭布為敬謹郡王。康

熙六年二月。蘭布告伊父亡後。伊弟尼思哈襲
封親王爵。伊弟亡後。無故降等襲封。因晉封蘭
布仍為和碩敬謹親王。七年十月。緣事降為輔
國公。十二年十二月。逆藩吳三桂反。十三年六
月。蘭布隨安遠靖寇大將軍多羅貝勒尚善率
兵往湖廣岳州征之。

聖祖仁皇帝欽賜甲冑鞍馬腰刀。十七年二月。卒於軍。
鑲紅旗和碩承澤親王碩塞。

太宗文皇帝子。順治元年十月。封多羅承澤郡王。隨定

國大將軍豫親王多鐸南征。破流賊。平陝西。安撫河南。二年。往江南。征偽福王。破淮揚。直抵南京。四月。

朝廷以王貝勒等。在軍前勤勞日久。各加

恩賜。王賜團龍紗衣一襲。五月。渡江。下江寧。擒偽福王。朱由松。自出京前後。戰敗水陸馬步敵兵一百五十餘陣。江南浙江等處。悉平。招撫文武官二百四十四員。馬步兵三十一萬七千七百名。十月。凱旋。

賜王金二千兩。銀二萬兩。玲瓏鞍馬一匹。空馬四匹。三年五月。以蘇尼忒部落。騰機思。騰機忒。吳班代。多爾機思哈。蟒悟思。額爾密克。石達等。各率所部。叛奔喀爾喀。

勅諭集外藩諸蒙古兵。於克魯倫河。以和碩德豫親王多鐸。為揚威大將軍。往勦。

命王同行。叅贊軍務。至則聞騰機思在滾噶樓地方。即同德豫親王疾追。凡兩日三夜。及之。大敗其衆。俘獲騰機思部落兵弁。及生畜無算。喀爾喀部

土謝圖汗兵迎戰於扎即布喇格地方。王親率衆列陣。大破之。次日碩羅海_汗迎戰。復率衆敗之。五年七月奉

命統官兵勦天津土寇。殲之。十一月。以喀爾喀部落二楚虎爾行獵向我邊界。王奉

命統兵駐防大同。是冬大同總兵姜瓖據城叛。六年正月。賊黨劉遷攻代州。據其外關。章京愛松古遊擊高國勝併蒙古兵三百。俱被困。王率兵往援。豎梯攻城。大破之。斬賊渠郭芳。遷圍解。又於德勝路遇賊。援兵七千。距我兵三里許。結兩營拒敵。王親督戰。敗之。八年閏二月。

世祖章皇帝以王係

太祖之孫。兼軍功懋著。晉封和碩承澤親王。八年三月。命王管理兵部事。十月。任議政。十二年十二月薨。年二十七。謚曰裕。以子博果鐸襲爵。改封號曰莊。康熙

五年正月。封博果鐸弟恩克布為三等輔國將軍。二十年二月。恩克布卒。謚溫僖。雍正元年。莊親王博果鐸薨。謚定靖。碩塞弟博穆博和爾順

治十二年二月封和碩襄親王。十三年七月薨。年十六。於定例外加祭一次。建造墳祠。康熙十年五月。謚曰昭。弟高塞。順治九年九月封輔國公。康熙八年九月。晉封鎮國公。九年卒。賜祭葬如典禮。謚愨厚。

鑲白旗和碩裕親王福全。

世祖章皇帝長子。

聖祖仁皇帝之兄也。康熙六年二月封和碩裕親王。二十九年。厄魯特噶爾丹叛。深入烏朱穆秦地。王

奉

命為撫遠大將軍。率師往勦。八月。聞噶爾丹屯於烏蘭布通。即統大兵鼓行而進。遇賊前隊。發鎗礮擊之。至山下。見厄魯特於林內隔河岸相拒。橫卧駱駝以為障蔽。大兵進擊。自未至戍。左翼兵由山腰捲入。大敗之。斬殺甚多。乘勝進勦。噶爾丹迫於追襲。據險堅拒。以誓書乞和。繼使人賫奏。章至。王遣人馳奏。

聖祖仁皇帝從之。令仍率大兵駐彼。探噶爾丹出邊遠。

去實音。未幾。王以噶爾丹遁已月餘。遂率大兵
內徙哈嗎爾嶺。部臣以王班師未經奉
旨議罪擬草王爵。

聖祖以此舉已擊敗厄魯特兵。諸王大臣。槩從寬免議。
三十五年。復從

聖祖征勦厄魯特噶爾丹。四十二年十一月薨。遣官致
祭。如鄭親王例。於常祭二次外。加祭一次。造墳
立碑。謚曰憲。

聖祖御製碑文云。國家景運。龐洪本支百世。用惇秩叙。
懋建屏藩。矧茲同氣之最親。加以懿行之茂著。恩無
間於終始。禮務盡夫榮哀。紀述生平。倍增愴歎。惟王
為

皇考世祖章皇帝之長子。朕之親兄也。胄既屬尊。齒復
居長。而秉性寬和。持身謙牧。虛受之量。雖踈賤不遺。
矜慎之衷。雖細微必飭。而其大者。則在因心展孝。曲
盡

慈寧色養之誠。視國如家。克敦夙夜奉公之義。入而預
聞大政。出而翊贊戎機。佐致昇平。共享清晏。豈期偶

恙。遽遣鞠鞠山。當王之初疾也。嘗遣醫審藥。躬親再三。王自謂漸瘳。諄辭遜謝。及朕時巡塞上。哀訃忽聞。遂觸冒炎蒸。倍道遄遄返。輟朝臨奠。製誄誄抒懷。歷喪禮之告竣。常涕泗之橫集。顧瞻華屋。杳隔春暉。歲月不淹。頓成陳迹。能不悲夫。迄今追維往事。溯自髫齡。或同侍寢門。或偕游禁苑。或參稽圖史。或陪扈鑿輿。朕日篤家人昆弟之歡。而王則益修臣職惟謹。四十餘年。曾無失德。天懷樂善。何日忘之。經曰。高而不危。所以長守貴也。滿而不溢。所以長守富也。王服習斯訓。美備厥躬。按法旌行。予謚曰憲。洵無忝矣。茲王之寢園。在黃華山麓。川回巖抱。既固且完。朕親相度。廼襄大事。嗣子保泰。命紹舊封。式纘王緒。於戲。惟王克忠克孝之節。允樹為臣為子之型。王之休德。朕褒揚之。王之後嗣。朕佑庇之。爰括實擒擒文。勒諸貞石。用垂令聞於不朽。俾後之覽者。知所景仰焉。

正藍旗和碩恭親王常寧。

世祖章皇帝子。

聖祖仁皇帝之弟也。康熙十年正月。冊封和碩恭親王。

二十九年七月奉

命為安北大將軍。與兄撫遠大將軍裕親王福全並出擊厄魯特。噶爾丹於烏蘭布通大敗賊衆三十。五年二月復與兄福全從。

聖祖仁皇帝征勦厄魯特。四十二年六月乙亥薨。

聖祖遣官致祭。為之造墳立碑。以紀功德。碑文云。國家因親錫寵。固莫重於宗支。而自近推恩。尤必先乎同氣。故手足之誼。既篤生前。軫恤之仁。更加歿後。凡以道隆敦本。禮備飭終。典至渥也。惟王朕之介弟。幼授

親藩。久沐尊崇。歷沾賜賚。方期奉天倫之樂。承日接之歡。克保修齡。茂膺多祉。何圖春秋猶壯。齒髮未衰。痰疾忽侵。溘焉凋謝。緬維曩昔。感悼良深。特遣官以築幽宮。復勒銘以垂貞碣。嗚呼。音容漸邈。嗟朱邸之長辭。歲月旋移。悵黃墟之永闕。式頒寵命。昭示來茲。不其休歟。

鑲白旗和碩純親王隆禧。

世祖章皇帝子。恭親王常寧弟也。康熙十三年正月封和碩純親王。十八年七月薨。謚曰靖。初疾篤時。

聖祖仁皇帝親幸王第。立傳醫調治。午時還宮。以王疾
奏聞

太皇太后復

詣王第視之。以王疾篤復還奏。申時王薨。

聖祖聞訃驚慟。欲親臨王第奉

太皇太后諭旨而止。於常祭外加祭一次。為之造墳立

碑。碑文云。

惟稽古懋建懿親。覃敷雍睦。蓋以敦一本。重宗盟也。
朕紹嗣丕基。篤叙倫紀。凡屬天潢之派。咸推王室之

恩。矧任重藩屏。誼殷手足。眷念既深。於存歿。典章豈

靳夫哀榮。惟王乃

皇考世祖章皇帝之子。朕之弟也。質成聰敏。性秉溫恭。

孝友克彰。謙仁適懋。裕含章之雅範。弘樂善之休風。

朕夙重天倫。不吝封爵。賜之茅社。永固河山。方謂同

氣之親。克樹作邦之翰。何期早嬰危疾。遂致長逝。幽

冥。曠昔借得侍

慈帟。同歡別殿。雖爾實凜君臣之分。而朕無間昆弟之

情。往事如存。流光頻異。曷中心眷戀。何日能忘。是用特

命有司。式循彛憲。務極優崇之數。庶抒惋悼之懷。既相土而賜瑩。仍易名以旌行。錫之嘉謚曰靖。於戲。寵沛褒綸。聿表親^賢之望。望崇開吉兆。尚昭友悌之忱。俾勒穹碑。永垂奕禩。

鑲白旗和碩恒親王允祺。

聖祖仁皇帝子。

世宗憲皇帝弟也。康熙三十七年三月。封為多羅貝勒。

四十八年三月。晉封和碩親王。錫號曰恒。雍正

十年閏五月薨。

賜祭葬如典禮。謚曰溫。十二年四月。立碑墓道。碑文云。

朕惟國家展親惇典。立愛必始於因心。賜卹推恩。錫

類宜先於同氣。故眷隆存歿。禮備哀榮。凡以厚本支。

示優渥也。惟王銀潢衍派。玉牒傳芳。蚤膺茅土之封。

庭闈趨侍。用作屏藩之寄。華萼承輝。秉性和平。茂著合

章之望。持躬謙謹。勉期樂善之風。方謂頤養天和。庶

遐齡之獲享。詎意遽膺疾。乃奄逝之忽聞。軫惻良

深。彛章備舉。既易名而致醊。復營葬以勒珉。嗚呼。悵

音塵之永隔。念切荆枝。煥綸繚^緯之常新。情深雁序。式

頒罷命。昭示來茲。不亦休歟。

鑲白旗和碩淳親王允祐亦

聖祖仁皇帝子。

世宗憲皇帝弟也。康熙三十七年三月。同兄恒親王允祺。俱封為多羅貝勒。四十八年三月。晉封多羅淳郡王。當是時。

國家承平日久。累洽重熙。兵民樂業。而八旗事務。有漸致廢弛者。五十七年十月。

聖祖諭議政大臣內大臣等曰。每旗都統副都統。或有

起家微賤。專意狗庇。一應補放官員。併佐領等事。恒有遲至數年。或十年不奏者。或一官病故已久。數年尚仍給俸者。一切事件。漫不稽查。甚是曠廢。正藍旗滿洲都統顏信。前往出兵。其滿洲蒙古漢軍三旗之事。著七阿哥辦理。別旗各相效法。自必發憤勤事也。七阿哥者。王之行第稱也。是日並

命皇子原封敦郡王允祇。辦理正黃三旗。固山貝子允禩。辦理正白三旗。各事務。王自受事以後。恪共厥職。諸務畢舉。頽風靡習。漸至丕變。雍正元年

四月。晉封和碩親王。仍號曰溥。尋以疾解旗務。八年四月薨。謚曰度。

世宗遣官致祭。九年五月立碑墓道。文曰。朕惟國家展親之典。禮莫重於本支。錫類之恩。誼必先於同氣。眷念既深於存歿。褒崇宜備於哀榮。惟王乃

皇考聖祖仁皇帝之第十五子。朕之弟也。和平秉性。謙

謹持躬。昔侍

庭闈。克篤承歡之愛。分封屏藩。翰益弘樂善之風。朕續緒

以來。天倫維序。特升位號。晉爵親藩。邸第恬居。守安

貞之素履。園林靜攝。期頤養於遐齡。詎意沉疴遽聞。溘逝。賜帑金而致賻。頒祭醑以抒悲。用備舉夫彛章。更摛文於貞石。易名予謚。曰度為宜。於戲。眷雁序以含悽。豐碑永勒。荷龍光而增寵。華表方新。垂於奕葉。不亦休歟。

正紅旗多羅愉郡王允禩。

聖祖仁皇帝子。莊親王允祿同母兄也。雍正四年五月。封多羅貝勒。八年三月。晉封多羅愉郡王。是時

世宗憲皇帝篤念

皇陵重大。

特命王前往護視。所為永孝思。重本支者。其意至優且厚。王體素羸。善病。九年二月薨。謚曰恪。志按典禮。

賜予祭葬。十一月^年十月。為之造墳立碑。碑文曰。國家建藩以資屏翰。卹典以重懿親。生荷殊榮。既剖符而受冊。歿膺沃澤。更勒石以垂休。聿弘敦本之仁。彌厚飭終之禮。惟王聖祖仁皇帝之子。朕之弟也。輝分玉葉。秀擢金枝。賦性

得其和平。素履遵於坦易。朕誕膺寶籙。祇肅園陵。念茲重地之周防。爰命親藩而護視。用晉封夫王爵。俾擁衛於

寢宮。庶幾頤養安和。迓純禧而延算。詎意體嬰羸瘠。遂高謝於塵寰。庀官物以經營。務從優贍。建豐碑而謚誄。備極哀榮。嗚呼。華萼榮懷。賁丹綸於黃壤。松楸增色。鐫綠字於青珉。垂諸奕世。不亦休歟。





